

ARTOS - PRALAMBANG

DESA ADAT BADINGKAYU

=====

1. Sisi Bucu lima Pralambang Pancasila.
2. Padi lan Kapas Pralambang Kegemahripan sarwa pangan - miwah penganggah.
3. Swastika mewarna putih Pralambang kesucian, medasar CATUR PURUSA ARTHA : DHARMA, ARTHA, KAMA LAN MOKSA.
4. Aksara mewarna ireng ring pita petak APAH KERTI PRAJAH maka Pralambang - Bisama Desa Adat meartos : APAH = Kasukertan, KERTI = Ngulati, PRAJAH = Jagat.
5. Gunung Pralambang Setana sane meartos Pelestarian Sumber - sumber Air.
6. Kayu Mepalih Tiga Pralambang Pengayom genah Desa Adat Palihan ipun medasar Tastru Agama minekadi : TRI HITA KARANA : sekala lan Niskala Luire : a. PRAYANGAN, B. PAWONGAN, C. PELEMAHAN.
7. Akah Kayu punika Pralambang Desa Adat, Kedukung antuk Lima Banjar Tempel, pinaka sumber pemikukuh.
8. Pita Biru nguda sane medaging aksara mewarna ireng ring sor punika pralambang Kesejukan Kawastanin Desa Adat Badingkayu.
9. Pengukuhan Lima Ikatan Padi lan Kapas meartos : PANCASRADA : BRAHMA, ATMAN, KARMAPALA, PUNARBAWA, lan MOKSAH.

iii
PIDAGING AWIG – AWIG

	Halaman
PRALAMBANG	i
ARTOS PRALAMBANG	ii
PIDAGING AWIG – AWIG	iii
HURVA CITTA	iv
SARGA I ARAN LAN NEMIDANGAN DESA	1
SARGA II PATITIS LAN PANIKUKUH	1
SARGA III SUKERTA TATA PAKARAMAN.	
Palet 1 Indik Krama	2
Palet 2 Indik Prajuru / Dulun Desa	4
Palet 3 Indik Kulkul	6
Palet 4 Indik Paruman	7
Palet 5 Druwen Desa	8
Palet 6 Indik Pamitegas	10
Kaping 1 Karang Tegal lan Carik	10
Kaping 2 Pepayonan	11
Kaping 3 Mewangunan	11
Kaping 4 Mewalungan	12
Kaping 5 Bhaya	13
Kaping 6 Penyanggran Banjar	14
SARGA IV SUKERTA TATA AGAMA.	
Palet 1 Indik Dewa Yadnya	14
Palet 2 Indik Rsi Yadnya	18
Palet 3 Indik Pitra Yadnya	19
Palet 4 Indik Manusa Yadnya	24
Palet 5 Indik Buta Yadnya	24
SARGA V SUKERTA TATA PAWONGAN.	
Palet 1 Indik Pawiwahan	26
Palet 2 Indik Nyapian	28
Palet 3 Indik Sentana	30
Palet 4 Indik Warisan	32
SARGA VI WICARA LAN PAMINDANDA.	
Palet 1 Indik Wicara	35
Palet 2 Indik Pamindanda	35
SARGA VII NEURAK – NEURAKIN AWIG – AWIG	37
SARGA VIII PENUTUP	37

MURDHA CITTA

OM SWASTY ASTU.

Desa Adat wantah peguyuban sang meagama wit kekardi kepujustuti saha kepasupati, mawinan Desa Adat punika kesinanggeh angga maurip. Desa Adat miwah Adatnya yening nenten kemargiang, kelepasin utawi kepurug, jaga kerasayang olih ikrama adat maka ketiban durmanggala sekadi ngrubeda ring sejeroning anggen ikrama Desa. Punika mawinan ketitenin mangda melarapan antuk Desa Adat ngamolihang sukertaning jagat. Kesinahane Desa Adat Punika memargi rawuhing mangkin medasar antuk sastra Agama Hindu mina kadi Sruti miwah Smerti kapituwi TRI HITA KARANA sane ngawanang nemu MOKSARTAM JAGAT HITA YA CA ITTI DHARMA utawi GEMAH RIPAH LOH JINAWI, TATA TENTREM KERTA RAHARJA sekala lan niskala luire :

- a. Prahyangan : Genah ngarcana miwah genah Ida Batara - Batari mestana pemekas genag ngastawa Ida Sanghyang Widi Wasa. Punika pinaka atma ngevetuang prana kauripan I Desa Adat.
- b. Pawongan : Krama Desa Adat rawuhing keluarganya pinaka Tri Kaya Desa Adat, ngawanang prasida molihang prawerti.
- c. Palemahan : Tanah wewidangan Desa Adate sinanggeh sariran Desa Adate.

Asing - asing perilaksana tan maren melarapan antuk Dharama Tula, mawirasa manut Desa Kala Patra Utawi Tri Semaya inggih punika : ATTITA, NAGATA miwah WARTAMANA. melarapan antuk kayun raksa rumaksa, paras paros sarpanaya salunglung sabayantaka.

Punika awinan mejalaran panghyangning Ida Hyang Parama Wisesa pamucuk saha Krama Desa Adat Badingkayu ngeventenan utawi nunggalang kayun mupulang Catur Dresta anggen sepat siku - siku ring Awig - awig maka pangeling - eling satmaka sepat anggen pematut ritatkala midabdabin kasukertan lingganing TRI HITA KARANA, wastu kasidan pryojanan sami kabeh, prasama angidep mwanng amanggehaken lingganing Awig - awig iki.

OM CANTI, CANTI, CANTI OM.

(1). Desa Adat panti mawasta Desa Adat Badingkayu.

(2). Desa Adat Kahwuh wawidanganannya mawastu nyatur :

- a. Sisi Kangin Alas ;
- b. Sisi Kelod Alas ;
- c. Sisi Kauh Alas ;
- d. Sisi Kaja Banjar Mengenu Anyar.

(3). Desa Funiki Kawangun antuk karang ayahan Desa tur maning kapah dados lima (5) Banjar Tempek, sowang - sowang sinanggeh Tempekan :

- a. Tempek Banjar Belu Putih.
- b. Tempek Banjar Sekar ;
- c. Tempek Banjar Sari ;
- d. Tempek Banjar Gelgel ;
- e. Tempek Banjar Puseh ;

S A R G A II.

PATITIS LAN PAMIKUKUH.

Pawos 2.

Desa Adat Badingkayu ngenanggehan pamikukuh minakadi :

- a. Pancasila.
- b. Undang - undang Dasar 1945, pemekas Pasal 18.
- c. Tri Hita Karana manut Sadacara agama Hindu.

Pawos 3.

Duta Patitis Desa Adat Badingkayu inqgih panti :

- a. Ditoloh antuk ngaragatq Sanghyang Agama.

PALET 1.

Indik Kramen.

Pawos 4.

- (1). Sane kabawos Krama Desa inggih punika kaluwarga sane m
saha pengemong karang Desa.
- (2). Sajaiba punika sinanggah tamin.

Pawos 5.

Krama Desa wantah 4 (petang) pawos, luire :

- a. Krama ngarep, kula warga sane ngamong karang kem
carik ;
- b. Krama batan Paha, kula warga sane ngamong karang ke
carik ;
- c. Krama bulu angkep, kula warga sane tanpa karang m
sakewanten sampun mawiwaha, kebaos Krama Banjar Patus
- d. Krama tapukan, kula warga manut aksara utawi
sakewanten durung antes angayah.

Pawos 6.

Kawit dados Krama Desa :

- a. Sanilaring ngamong Karang utawi Karang pacatu, utawi.
- b. Mawit pawisahan.

arep ring Krama sane ngemanggih karang ayahan Desa ;

b. ngentos 6 (enam) sasih mawiwahan.

†

Pawos 8.

Sabenen Krama Desa sami keni tetenganan (ayah - ayahan), luir

a. ayah nyumek, mapiteges urunan miwah ayahan memukul :
ngarep ;

b. ayah batan paha, mapiteges ayahan miwah urunan se
Krama ngarep ;

c. ayah bulu angkep, ayah miwah urunannya wantah mangge
soang - soang ;

d. ayah kapukan keni urunan memukul prade mekarang
separo yaning tanpa carik miwah soang - soang kelupa
ayahan ;

e. prade rikalaning ngayah wenten sinalih tunggil kra
sedereng puput karya, wenang krama inucap keni pami
laler kawastanin.

Pawos 9.

Krama Desa kedadosan :

a. Hoprangkin utawi tan tedun ;

1. rikala nepewangunan, ngeraabin, meyadnya, nandur
metepetin keluasan, lan siosan punika ;

2. lengin tempo wantah apisan, sejawaning wenter
prajuru / dudu - dudu.

b. nyala, mapiteges ngemademang ayah, nisampun mayusa 50

Pawos 10.

Wusan dados Krama Desa luitre :

a. Sangkaring :

1. pinunas ngeraga, menawi kesah kedure
ngelangkungin segara ;
2. kenorayang, duaning sampun tan pariside nges
maprawerti setata nguwig kecaping Awig-awig.

b. Sang wusan mekrama :

1. patut ngaturan karang ayahan ke Desa ;
2. tan polih pah-pahan sangkaring padruwuyan Desa
pah-pahan padruwan ring tempek manut pararem.

Palet 2.

Prajuru / Dulun Desa.

Pawos 11.

(1). Desa Adat Badingkayu kaenter antuk Bendesa Adat.

(2). Banjar ulawi tempekan kaenter antuk Klian Banjar / Tempekan

(3). Bendesa lan Klian Banjar patut :

a. meawit saling krama ngarep ;

- c. telengen pinaka pengemong druwen Desa ;
 - d. kesinoman pinaka juru arah.
- (2). Kesinoman akehnia anut kawigunan saha katunjuk olih krama
- (3). Sejeroning ngenterang sukertan niskala Bendesa min
penangku kayangan Desa.

Pawos 13.

- (1). Suadharmaning Bendesa Adat luire :
- a. ngenterang pelaksanaan sedaging Awig-awig miwah pararem
 - b. nuntun tur ngenteran krama rauhing warga Desa ngu
patitis ;
 - c. mawosing kalih niwakang pemutus arep ring wicara warga
 - d. maka duta matemuang bawos ring sapa sira ugi.
- (2). Prade dulu-dulu iwang ngelaksana keni pamidande r
kaiwangan soang-soang krama saha kangkat manut pararem.

Pawos 14.

Petias utawi olih-olihan Prajuru / Dulu Desa luire :

- a. luput rerampen (pepeson) ;
- b. polih tanding tengah ;
- c. upen pecatu / pelaba cari / tegal ;
- d. petias sewadon manut pararem.

(1). Prajurit / dudu Desa kagentosin riantukan :

a. seda ;

b. Honorayang dweaning iwang pamangi menawi nilas sesana

c. wit saking pekayun utawi penunas ngeraga.

(2). Honorayang utawi ngentosin Prajurit / Dulu Desa patut paruman tur kaingkupin antuk Krama Desa.

Palet 3.

Indik Kukul.

Pawos 16.

(1). Kukul ring Desa luire :

a. Kukul Desa ;

b. Kukul Banjar / Tempekan ;

c. Kukul sekaa - sekaa.

(2). Tabuh tetepakan kukul Desa :

a. atuludan lambat, tengeran tedun ngayah ;

b. atuludan bulus, tengeran kepanca bhayan.

(3). Tengeran kukul ring soang - soang kebarjaraan :

a. kalih tulus bulus, tetengaran ngrorod (pengantenan

b. kukul kelayu sekar (putus seda) :

1. atuludan lambat, tengeran mitahuang (kukul seda

2. atuludan lambat selanjutnya, nedunan Banjar.

Pawos 17.

- (2). Sang nepak tan sangkaning pituduh patut digelis atur supeksa make buatan paupaka, yan tan mangkena wenang sang mawarug kedanda manut pararem.
- (3). Kullul sekaa-sekaa samalihan kulkul pondokan-pondokan tan kalugra nyawarin (matehin) sukat utawi tengeran Kulkul Desa / Banjar prade manurug taler kedanda manut pararem.

Palet 4.

Indik Paruman.

Pawos 18.

(1). Paruman / sangkepan ring Desa Badingkayu, wentun :

a. Paruman Desa / Banjar kawentenang :

1. nyabrang ngesasih, maka cihna tanpa arah-arah, dwening sampun betap panemaya manut pararem babanjaran soang-soang ;
2. napkala (patqata kala) maka jalaran arah-arah manut tetujuan.

b. sangkepan Prajurit / Dulun Desa, kawentenang manut wiguna ;

c. paruman sekaa-sekaa manut mabuat.

(2). Paruman Desa utawi Banjar madudunan sekadi ring sor :

- a. prasida lumaksana risampun ketedunia antuk sang patut ngawilehin, kemanggala antuk tengeran kulkul miwah abusane nyalempot, saha tan kalugra makta gegawan seha luire, tan maren ngarena ring Ida Bhaqawan penyarikan maka sarana widi wedana cane ;
- b. maka cerana janggi, pengawit kelaksanayang penyacak sep saha ritusannya nyacak dadosan gung alit manut pararem ;
- c. tan kalugra ngawetuaken suara gong utawi byota, yang hana mangkana keni pamtandale bea pacanil kadi dandanin nguman - unan ring sabbe ;
- d. pamtand behawos briuk sepangguh (lingkup) punika kemanggehan.

- (3). Prade pidagang paruman tan keingkupin mangde Prajuru / Dulun Desa ngalibang pabawos, saha putusannya mangde kararemin antuk Krama Desa bilih tan Paraside kasungkem jantos ping 3 (tiga) Prajuru/ Dulu urang nunas bawos ring sang ngawewenang.

Pawos 19.

- (1). Seieroning paruman Desa, Bendesa patut nyiaran pamargin ngenterang Desa, pemekas nganinin indik :
- a. arujuk lunguring pekraman saha ayah - ayah, salur arta berana, druwen Desa ;
 - b. rencana Prajuru / Dulu nganinin utsawa Desa kapungkur.
- (2). Pamutus paruman Desa sinanggeh pararem maka pamitegep pelaksanaan Awig - awig.

Pawos 20.

- (1). Sangkepan Prajuru / Dulun Desa kawenangan wantah ngericikang pengerencana utsawa Desa kapungkur.
- (2). Sangkepan Prajuru / Dulun Desa tan kawenang ngewedalang tetegenang ring krama sedereng keingkupin antuk Krama Desa.
- (3). Pemutus sangkepan Prajuru / Dulun Desa negewetuang pasuare, maka pidagang pituduh sang ngawewenang utawi ngenekang pecak perareman Krama Desa.

Palet 5.

Indik Druwen Desa.

Pawos 21.

Padruwen Desa Adat Badingkayu, sekadi ring sor :

a. Kayangan Desa, luire :

1. Kahyangan Tiqa ;

3. Pura Penataran ;
 4. Pura Jati (subak).
- b. Bale Desa ;
 - c. Tanah Tegelan ;
 - d. Karang ayahan, munjuk lungsur saking Desa, kara
 - e. Setra - setra, pelebahan mekadi pakingsan, setr
 - f. Pelaba Pura tegal, malinggah 11,5 ha muah 820 m
 - g. Lembaga Perkreditan Desa (LPD) ;
 - h. Lelanguan, mekadi tetabuhan lan ilen - ilen pad
lan Tempekan luire :
 1. Gong ;
 2. Klenteng ;
 3. Ilen - ilen wali pura : Rejang, Pendet muah

Pawos 22.

Piolih - olih Desa Adat Badingkayu, luire :

- a. piolih - olih saking pelabe pure ;
- b. urunan Krama Desa ;
- c. paica saking guru wesesa ;
- d. paica - paica sana tiyosan sane patut.

Pawos 23.

- (1). Prajuru / Dulu Desa wenang ngetangan pamupor
seperunggalan druwen Desa.
- (2). Pikelih lan pamponnya keanggen prabeya piodalara
ring pure.
- (3). Hyabran pesangkepan Desa, Dulu penganong
perindikan amujuk lungsu ring padruwe ring Krama.
- (4). Sabahuwiring druwen Desa patut wenten ilikatannya

(5). Tan kalugra ngadol utawi ngudaleng padruwey
keunngkemin antuk Krama Desa.

Palet 6.

Sukerta Pamitejep.

Kaping 1.

Karang, Tegal lan Carik.

Pawos 24.

- (1). Krama Desa pengamong karang desa (tanah sana tan
patut ngewatasin karang inucap antuk pagehan / t
mangde pekantenannya sari.
- (2). Wates sisi kaler miwah kangin patut kakaryanin a
karang hayahan inucap, sane mewasta gagaleng ke
tanah pecatu, tegal carik utawi tanah padruwey
kapiare sisi kelod miwah kauh, reh punika mewasta
- (3). Prade kerasayang pagahan / turus inucap ngelikadi
penyandinge, kenging bates nganggen pinget kewani
Prajuru / Dulun Desa utawi prahcihna palsaking agr
- (4). Prade wenten karang kebebeng mangde keut
penarginnya.

Pawos 25.

- (1). Sinalih tunggil Krama Desa / Banjar tan kalugra :
a. ngalah - alah margi, tegal ayahan Desa, karang

- (2). Prade wenten sakadl ateng, sang ngelahlah wewangunan tanah uncap saha keni pamindandé sepalutnya, luring pangelahlah tanah suci.

Kaping 2.

P e p a y o n a n.

Pawos 26.

- (1). Ngawit nandur pepayonan tanem tuwuh patut adepar saking bates, prade jantos ngaliwat bates wewangunan kramas.
- (2). Yening wenten tetanduran ngungkulin, semaliha kapisaga patut keware antuk paiguman ping aje nruwenang wit ngerabah utawi notor.
- (3). Prade sampun keware taler tan wenten usaha sang rumasa ketetapan / kejerihan wewangunan masadé Dulu, tur risampung kaparitas kalugra ngical sakawanten patih pepayonan patut ketawur manut nepasin.
- (4). Sang keni pamindandé penyangaskara saha prabea maring wewangunan sang kerubuhin, luire :
- sang nruwenang wit sinanggeh mayahin prade p wewangunan krama tios.
 - sang notor, unggul utawi ngerebah taru tur tios.
- (5). Krama Desa patut ngemanggehang kawordian tanem tuwuh Desa asri tur lestari.

Kaping 3.

W e w a n g u n a n.

- (1). Nyabran ngewangun patut :
- masadol (anu Pradun / Dulu, pang sjetig praké wewangunan ngentun bates ;
 - nganggé asta bumi miwah gequtak asta kosala - kosali, sanistane manut ring petitis niskala ;
 - tan nyayubin kapisaga.
- (2). Prade wewangunan jantos nyayubin bilih - bilih temboke ring telengin batas, risampun kewera tur kesadokang ring Dulu, wenang kedande manut pararem saha tembok inucap kegubar utawi sanistane mangde kakaryanang abangang

Kaping 4.

Wewalungan.

Pawos 28.

- (1). Sahanan Warga Desa mamiare wewalungan (bawi risampun mabelas utawi banteng lan sampun masaluk tali) patut sayage nitenin negul/ ngelogor mangde tan ngerusakin karang utawi pabianan krama sewos, bilih - bilih jantos ngeranjing ngeletehin kahyangan.
- (2). Prade wenten wewalungan melubar utawi ngelab ngerusakin karangan / pabianan krama sewos, risampun kewera kengin ketaban tur kedande ngewaliang wit sane rusak saha nawur penebas papiaran tetabanan, anut pengeloikan Prajuru / Dulu Desa.
- (3). Prade jantos ngeletehin tegak suci, mikadi penerajan (sanggah besulan) risampun kaparitasas antuk Prajuru / Dulu, wenang sang ntuwenang kedanda mabuhu aguang tebasan - tebasan prayascita dirusakake utawi panra sata iwak bebet belang kalong prade jantos ngeletehin Kahyangan Tiga utawi Pura Panaksaan.
- (4). Frame Desa patut nyanggra wewalungan miwah marwa paranti tan kapetut

Pawos 29.

- (1). Pari indik bhaya, luire : Jiwa bhaya, arta bhaya (kependungan)
dura cara riang agama.
- (2). Sang manggihin kehanan jiwa bhaya, patut napak kulkul bulus
mapitulungaa anut pawos 16 (2) aksara b.
- (3). Prade ring Desa kehanan jiwa bhaya, patut Desane ngaturang bhuta
yadnya tur sang mayanin katur ring sang ngawewenang.
- (4). Prade wenten jatma memisuh utawi nguman - uman jatma tios, kekenin
panidande beya pecamih tebasan prayascita.

Pawos 30.

- (1). Sang manggihin kehanan arta bhaya (kemalingan), patut ngulkul
mepitulung anut ring pawos 16 (2) aksara b, utawi sang kemalingan
atur supeksa ring Prajuru / Dulun Desa sane pacang nimbangin utawi
nandingin anut daging KHP saha maweweh penyangaskara perade wenten
jatma ngeaalng barang sinanggeh suci.
- (2). Pratingkahe mapilon ring dusta kebawos saruron, prade wenten jatma
manggihin maling tan nyadekan ring Prajuru / Dulu jantos jatma
tios nyadueng, patut kedanda kadi dandanin maling, sakweh
pengangan wit manut cacakan Banjar, tur prade jantos ping tiga
melaksana asapunika wenang kasukserah ring sang ngawewenang.
- (3). Prade wenten jatma ngerereh neramon, mikadi daun kelapa, ron tanpa
saddock ring sang nruwenang wit, prade kacunduk (ketara) patut
kedanda kadi dandaning maling.
- (4). Yening wenten jatma ngeranjing pakubon wiadin pekarangan nikala
suwang, mewasta sang madruwe karang kaicalan, wenang jatma inucap
tetuwakang antuk maduwe saksi ring Pura Bale Agung.

- (5). Manjda tan kaluwakang manut ring ajeng, asing - asing ngeranjingin kubon iatma tios patut :
- malenggeran suara (mehaotan) ;
 - nyantos sang nruwanang karang rawuh utawi masadik ring pengapit pinth bampak, maka buatan pengeranjinge ;
 - pemedal karangnya kedagingin sawen, makacitna pengarah rikala sumung.

Kaping 6.

Penyanggran Banjar.

Pawos 31.

Krama Desa rikala ngewentenan karya suka duka, patut kesanggra antuk Banjar, luire :

- prade ngewangun pitra yadnya utawi manusa yadnya, manut pinunas sang meyadnya ;
- pengerambe utawi karya gotong royong krama jantos ping tiga selangkungan pinaka patut katuran pengineu ;
- pengineu rikala pitra yadnya anut abot ringan yadnya, prade saking semengan ngantos wengi katuran pengineu ping kalih.

S A R B A IV.

SUKERTA TATA AGAMA.

Palet 1.

Indik Dewa Yadnya.

Pawos 32.

(1). Pelinqih penyiwiran sawidangan Desa Adat Badingkayu, luire :

- Keluyangan Tiga : Pura Desa / Bale Agung, Pura Puseh miwah Pura Dalam ;

a. Ring Pura Kahyangan Tiga, luire :

1. Pura Desa / Bale Agung, rikala anggara keliwon kulantir, purnama sasih kadasa ;
2. Pura Puseh, rikala anggara keliwon kulantir, purnama sasih kadasa ;
3. Pura Dalem, rikala buda umanis medangsia, wrespati wage sungsang, purnama sasih kapat.

b. Pura Melanting, rikala purnama sasih kapat ;

c. Pura Penataran, rikala buda wage ukir lan pujawali peda pisan ;

d. Pura Jati (Pura Subak) rikala anggara keliwon julungwangi ;

e. Pura Ratu Nyoman, rikala buda umanis julungwangi ;

f. Pura Segara Gunung rikala purnama kapat.

(3). Pengaci ring pura inucap manut kecap sastra agama, saha kelaksanayang nista, madya, utama nganut kawentenan lan pararem.

(4). Pengerongan soang - soang pura manut dresta kadi ring sor :

a. Pura puseh, keempon antuk Krama Desa Adat Badingkayu ;

b. Pura Desa/Bale Agung, keempon antuk Krama Desa Adat Badingkayu ;

c. Pura Dalem, keempon antuk Krama Desa Adat Badingkayu ;

d. Pura Melanting, keempon antuk Krama Desa Adat Badingkayu ;

e. Pura Penataran, keempon antuk Krama Desa Adat Badingkayu ;

f. Pura Jati (Pura Subak), keempon antuk Krama Subak Desa Adat Badingkayu ;

g. Pura Ratu Nyoman, keempon antuk Krama Desa Adat Badingkayu ;

h. Pura Segara Gunung, keempon antuk Krama Desa Adat Badingkayu.

- (1). Ring soang - soang pura inucap kawentenang pemangku.
- (2). Ngadegang pemangku nganut dudonan :
 - a. nyanjan utawi msemurang, soang - soang mapiteges mapinunas ringajeng penataran wiadin ke pura Desa menawi ring Balean onteng, lan sepenunggalannya ;
 - b. turunan utawi ngeraris ;
 - c. kecatri (dipilih / ditunjuk) oleh Krama Desa.
- (3). Tan kewenang ngangge pemangku, luire :
 - a. cedangga, luire peceng, perot, cunggih lan sepenunggalan ;
 - b. sang sapa sira ugi sane tan kepatutan antuk perarem ;
 - c. sakeng ilo, ayan, buduh wiadin edan ;
 - d. sane madrebe kesucian urip tan becik.
- (4). Prabia kepamangkuan :
 - a. Adiksa widhi (ngawentenan) kemedalan saha kelaksanayang antuk sang ngadegan, mekadi Krama Desa utawi pengempon pura soang - soang ;
 - b. Mapitra yadnya riwekas prade kulawarga pemangku tan marisidayang, patut sungkemin antuk Krama Desa utawi pengemong, sanistana brahma prayascita penyanggrane nganut perarem yadnya kelaksayang antuk wargansira mangku.
- (5). Pemangku patut ngemanggehang sesananing pemangku, luire tang wenag ajujudan miwah sane siosan.

Swadarma pemangku luire :

- a. Ngenterang upacara piodalan ring Kahyangan utawi ring soang - soang pakubon krama ;
- b. Tan wenang salah suluh yan mamurung wenang pemangku inucap nyapuhin raga ;

- c. Prade salah siringgiti mangku kapijalang utawi cuntaka, kengin nyelang mangku tiosan utawi nuur sang sulingqih ;
- d. Semalthe yen sampun pemangku ngayah tigang rahina ning pura larut wenten kulewarganya, mangku inucap tan kengeng cuntaka, saka wenten mangku tan budal selami pidalan pademan.

Pawos 35.

Petias utawi olih - olihan pemangku, luire :

- a. penyolasan miwah sarin canang soang - soang pekebon Krama Desa ;
- b. upon pelabe carik miwah tegal manut pararem ;
- c. luput pakaryan lan rerampen / reramon, pidagingan keni kadi patut.

Pawos 36.

(1). Pemangku kagentosin riantukan :

- a. Seda ;
- b. Pinunas ngeraga, menawi kegeringan lan sepenunggalnya ;
- c. Kawusang antuk krama menawi melaksana sane tan patut (asta dusta).

(2). Prade mangku kawusang sangkaning melaksana asta dusta, keni panidande manut pararem saha ngewaliang prabeya kawentenan pecak.

Pawos 37.

Kasukerta Kahyangan kadi ning sor :

- a. tan talugra ngeranjing ke pura, luire :
 - 1. Sang katiban cuntaka, mekadi sebel saking ngeraga :
 - a. sebel kandel ngerajasuwala selami dereng mabersih ;
 - b. sebel madruwe putra selami 42 rahina ;
 - c. sebel perqantanan selami dereng mebyakala, miwah cuntaka sangkaning kepadanan manut sengker ;

d. sebel niantuk medruwe keluarga kepademen / kalayu sekar kantos masapuh.

2. Makta sahanan barang sinanggeh ngeleتهin.

3. Sata Agung, sejawening rikala mapepada.

4. Mabusana ten manut kadi tata caraning ngeranjing ka pura.

5. Sedereng polih wak - wakan (dituduh) Prajuru / Dulun Desa.

b. Pratingkaha ten wenang ring pura :

1. Masumpah (cor) sejawening pituduh Prajuru / Dulun Desa.

2. Makebetan, masesenangan, makolem dados asiki lanang wadon, mebacin / mewiraha nyangsang busana manahin pusungan (santukan punika rikala mejejahitan patut ngeluang busung mecingor lidinya).

3. Mungga tedun palinggih sejawening pituduh Prajuru / Dulu.

c. Sang mamurung ketaping keni pamidande prayascita sepatutnya.

Parwa 38.

(1). Yan wenten jatna kerawuhan ring pura, kengin kapintonin pada rumasa kesumbengsayan yan ten wiakti jatna unucap kesisipan manut pararem.

(2). Prade Kahyangan kahanan dumanggala, minakadi kepancabaya, pemangku patut digelis nyadokan ring dulu mangda maruman Krama Desa tur ngawentenang pamerasyascita sepatutnya .

Palet 2.

Indik Rsi Yadhya.

Parwa 39.

(1). Sang pancang madeg pandita utawi pinandita minakadi balyan sordeng, kobayan, dalang, saluire jagi ngenteran yadhya patut mesadok ring Prajuru Desa kalih Parisada Hindu Dharma.

sang suliggih riwekas katuntun antuk Prajuru / Dulu - dulu.

Pawos 40.

- (1). Sang suliggih patut ngeriyinang ngayuning ring wawidangan jagat
....., sesampun wawu muputang yadnya kajebar tios jagat utawi
ka Pura Desa.
- (2). Krama Desa sami patut sareng ngawas nitenin ketuntun antuk
Prajuru / Dulu - dulu, mangde sehanan yadnya sane kawentenan
kaicen pamuput olih pedande utawi pinandita manut kawenangan soang-
soang.

Palet 3.

Indik Pitra Yadnya.

Pawos 41.

Pemargin Pitra yadnya madudonan manut nekadi ring sor :

a. Pengupakaran sang kelayu sekar :

1. antuk mendem utawi ngeseng, makaciha pekingsan ring ibu
pertiwi ring Bhatara Brahma, serami nuptupang prabea.
2. atiwa - tiwa (Upakara pengabenan / Pelebon).

b. Upacara - upakara Pitara Yadnya riwusan kaabenen mewasta munggah
dan bingin (ngeroras) wawu ngelaksanayang palinggih Dewa
Hyang Bhatara - Bhatari.

Pawos 42.

Swadanianing lan tetegenan prade wenten sinalih tunggil krama kelayu
sekar :

a. Sang kaduhkitan patut :

1. nyadokan ring kelian tur ninas katimbangan ring kawentenanya;
2. ngaturin Banjar ngerombo mekarnya eteh - eteh sarwa kadulurin panyembrama canang saside antuk utawi maweweh sajeng ring pengerombe nganter setra.

b. Swadarmaning Banjar / Desa :

1. Kelian Banjar maritatas pemergin sang kaduhkitan, napike pacang kependem, makingsan riya utawi lantur keabenan ;
2. Prade kependem, raris kawentenan kulkul petahu antuk pawos 16 (3) aksara b, antuk kelian Banjar utawi wakilnya.
3. Penyanggran Banjar selanturnya :
 - a. soang - soang Krama Banjar nedunin patus sami a kg beras, adeng miwah kelapa sawung ;
 - b. ngerombe ngaryanin eteh - eteh sawa saha kasarengin antuk krama sane rawuh, maksian ;
 - c. sami Krama Banjar nganter kesetra jantos pandem puput.
- c. Tan kengin ngelelet langkungan ring 7 (pitung) rahina, tur patut polih pagebangan anut paitungan Klian Patas / Banjar.
- d. Tan kalugra nginepan beng - bang miwah mendem rikala : semut sedulur, kala gotongan, was penganten lan seperunggalnya.
- e. Prade wenten kalayu sekar, rikala piodalan, kengin mendem tanpa sadok bur marangi wengi utawi kesetra siosan (setra pakingsan).

Pawos 43.

(U). Sane kasinanggeh Kacuntake sekadi ring sor :

- a. cuntaka antuk kelayu sekaran ;
- b. cuntaka antuk ngeraja swala ;
- c. cuntaka antuk ngebasan putra ;
- d. cuntaka antuk keruron ;
- e. cuntaka antuk sakit ita, buluh ;

yang pabiolakonan tur pawidiwidanan ;

j. cuntaka antuk mamitra ngalang ;

k. cuntaka antuk yening wenten anak istri ngawenthang putra sadurunge marpa kara pabiokonan tur pawidiwidanan ;

l. cuntaka antuk sad tatayi.

(2). Sengker Dintaka manut kawentenannia :

a. cuntaka kelayu sekaran, cuntaka nia kasesuan manut sekadi loka dresta miwah sastra dresta Desa Adat soang - soang ;

b. cuntaka ngeraja swala 3 (tiga) rahina ngawit saking ngeraja swala utawi selamina ngeraja swala ;

c. cuntaka ngebasan putra 42 rahina (abulan pitung rahina) ngawita saking putrane embas, utawi ngantos ampun kaupakarayang mekakambuhan tur meprayascita manut sekadi agama, lanang wiadin istri ;

d. cuntaka karuron, nia abulan pitung rahina (42 rahina) tur sampun matirta meprayascita ;

e. cuntaka pariwisata, cuntakanya ngantos sesampune matirta pabiokonan ;

f. cuntaka qaria qumana, cuntaka nia ngantos sesampune kepalasan / mesapihan tur sampun kawentenan meprayascita raga tur sampun kawentenan meprayascita Adat / Kahyanan ;

g. cuntaka salah timpal, kesselesaiyang sekadi manut ring hindi tur dresta adat soang - soang ;

h. cuntaka anak istri anbet nenten kawentenan upakara pabiokonan, cuntaka nia ngantos kawentenan upakara pabiokonan ;

j. ngembas putra nenten kawentenan upakara pabiokacnan miwah upakara pawidiwidanan, cuntaka nia ngantos wenten sane memeras sang putra tur sampun kawentenan upakara sehadu manut ring ajaran Agama Hindu ;

k. cuntaka sat tatayi, cuntaka nia ngantos sampun reprayascita raga tur nenten pisan dados ngamunggahan upakara padwijatian.

(3). Cuntaka kelayu sekaran / kapademan :

a. Kapademan cuntaka nia :

1. cuntaka / sebel ke banjar rawuhing 3 (tiga) rahina mendem utawi sesampun polih prayascita (mesapuh) ;
2. kaluargania sejeronin pakarangan ngantos 11 (solas) rahina.

b. Keaben cuntakania :

Sang nyambut karya Pitra Yadhya cuntakania ngawit saking ngerancang karya rauh riwas yadhya nia (mapegat).

(4). Sane katiba cuntaka luire :

a. Kalayu sekaran sane kacuntaka :

1. sang sane kalayu sekaran ;
2. kawula warginia ;
3. bebenjaran.

b. Ngeraja swala sane kacuntaka :

- sang sane ngeraja swala.

c. Ngembas putra sane kacuntaka :

- kawuluwargania sane ngembasan putra lanang wiadin istri.

d. Pawiwahan sane kacuntaka :

- Sang sane kaupakaraan pawiwahan lanang wiadin istri.

e. Karuron sane kacuntaka ;

- kawula wargania lanang wiadin istri.

f. Gamia gumana sane kacuntaka :

1. sang sane ngelaksanayang gamia gumana ;
2. Desa Adat nyane.

g. Anak istri mbot nenten kawentenan upakara pabukacunan sane kacuntaka :

- sane aeraga istri (sane mbot).

h. Mamitra sane ngalang kacuntaka :

- sane ngelaksanayang mamitra ngalang.

i. Ngembas putra nenten kawentenan upakara pabukacunan miwah upakara peendiwidanan sane kacuntaka :

1. sang sane ngembas putra ;

2. putra sane ngembas.

(5). Tan Keneng Duntaka, luire :

1. Sang sulingih lan mangku Kahyangan Tiga ;

2. Rikala pidalan risampun ngalang sasih / ngalang tengah.

Pawos 44

(1). Atiwa - tiwa (pengabenan) kelaksanayang antuk :

a. Nyawa nsi (nyuarga geni) seantukan tan ngagah utawi menawi sawa tan kekeniang ;

b. Sawa pretaka (ngaben nyekeh) ;

c. Ngaben ngakangun.

(2). Panemayan pengabenan wenten kalih pawos :

a. ngaben dadakan / bah bangun, kedadusan sajeroning tempekan ;

b. dudunan pengabenan kawit saking ngagah (seda), ngeseng ngantos pengiraan utawi nganyit.

Pawos 45.

(1). Pepatusan pengabenan wenten kalih pawos :

a. ngaben ngesasa luire : beras arang (4 kg), ayam asiki, kelapa sawit, gasing akatit miwah papah iaka sawa belandah (manut pitutur sang madruwa yadnya) ;

b. ngaben dadakan, patih selati patis sane kpendan.

(2). Pangiqiqune rina krama Banjar ngawit ngayah anut lobot dengan
Lawntenan Karva.

Palet 4.

Indik Manusia Yadnya.

Pawos 46.

(1). Manusa yadnya inggih punika upacara - upacara darmening manusa,
ngawit saking petemoning kamabang sejeroning garba ngantos, kalayu
sekar riwekas.

(2). Upacara kadi ajeng madudonan sekadi ring sor :

- a. magedong - gedongan duk pengerempinian ibiang ;
- b. duk sang kama reka medal ;
- c. kapus udel ;
- d. reras rahina ;
- e. tutug kambuhan (42 rahina) ;
- f. tigang sasihan (3 sasih) ;
- g. pawetuan / otonan / odalan (6 sasih) ;
- h. tutug kelih (ngeraja wedonan, ngembankin lanange) ;
- i. metatah / mepandes ;
- j. mawiwaher ;
- k. mawinten.

(3). Upacara - upacara inucap nista, madya, utama manut sastra agama
saha catur dresta, maka buatan Desa dresta, ngawinang sima cara
Desa.

Palet 5.

Indik Buta Yadnya.

- (1). Bhuta yadnya inggih punika upacara - upacara byokal ring pertwi lan khayangan, sarwa prani saha upacara - upacara ring kebutan.
- (2). Upacara pabyokala ring sarwa prani, luire :
- ring sarwa tumuwuh rikala tumpek pengatag (saniscara keliwon wariga) ;
 - ring sarwa ingon - ingon rikala tumpek andang (caniscara keliwon uye) ;
 - upacara pakala - kala manusa anut widane, kebawos pabyokala.
- (3). Upacara pabyokala ring pertwi, khayangan lan bebutha kewastaning mecaru.
- (4). Pecaruan inucaping ajeng nista, madya, utama, manut wiguna kadi ring sor :
- Kesata ;
 - Panca sanak ;
 - Panca sata ;
 - Resi gana ;
 - Tawur agung ;
 - Panca kelud.
- (5). Sejawaning kadi ajeng kawentenang upakara :
- majot - jotan utawi yadnya sesanyebarana wusan ngerateng ;
 - mesapuh - sapuh rikala pacang wali ring pura.

Pawos 48.

- Nangken ngawarsa rikalaning tilem kara kawentenang mecaru ring pateluan Desa Adat Badingkayu.
- Nangken ngawarsa rikalaning tilem kulu kawentenang mecaru ring perempatan Desa adat Badingkayu.
- Nangken ngawarsa rikalaning tilem kesange kawentenang tawur kesange, latah, bawose ngerupuk, makaciha pacang mapag rahina panyepian benjangne.

- (4). Upacara penyepian sane kemargiang antuk Kraja Desa :
- amati gori, tan kengin mapi - api ;
 - amati karya, tan kengin nyabut karya ;
 - amati tetabuhan, tan kengin manung - unungat, manure gori,
tan sapanunggalannya.
- (5). Pebaratan inurap kemargiang saking saweng ngantos wawu (surup surya) raris kesuarayang kulkul punika cihna pangembak.
- (6). Sang amurung kecaping ajeng geni pamidanda manut perarem Banjar / Tempek soang - soang kemargiang antuk petelik (pecalang desa).
- (7). Riwas rahina nyepi (benjangne) makecihna pengawit icaka warsa, patut soang - soang Warga Desa sami ngaksama.

S A R G A V.

SUKERTA TATA PAMONGAN.

Palet 1.

Indik Pawiwahan.

- (1). Pawiwahan inggih punika palemahing purusa pradana, melarapan panunggalan kayun suka cita kaduluring upasahi sekala niskala.
- (2). Pelaksanaan pawiwahane luwih :
- pepadikan, kemanggala antuk pekraman ;
 - ngerorod, merangkat riyin wawu kakrunayang ;
 - nyeburin utawi santana nyeburin (nisampun nganutin upacara pamerasan).
- (3). Pidabdab sang pacang mawiwaha patut :
- sampun manggeh dahi - teruna (prasida nganutin Undang-undang) ;
 - sangkaning pada rena (tan hepaksa) ;
 - manut kecaping agama (tan namia namana) ;
 - kawisudayang prade pengambile bios agama miwah kepati wangi.
- (4). Penerang pawiwahan beroda taler nganutin Undang - undang perkawinan saking Ngawitwanang.

niskala antuk pandita pinandita ;

b. wenten pesaksi Prajuru / Dulu - dulu sane ma-
ngilikitayang pawiwahan ;

c. sampun metengeran suara kulkul ;

d. pawiwahan inucap ring ajeng sampung kecatetan
utawi Kantor Catatan Sipil Kabupaten Daerah Tin-

(2). Prabian sane tan manut kadi ajeng sinanggih tan pa-

Pawos 51.

Tata caraning prabian patut sekadi ring sor :

a. Saposira ugi pacang ngewarangan pakaluwargaan p
Prajuru / Dulu - dulu, selanturnya Prajuru / D
manut kekecap - prabian ;

b. Pemargian pepadikan anut dudonan :

1. Pakurenan jantos ping tiga, saha soang - soa

a. pertama antuk canang ;

b. kaping kalih antuk canag sari sajeng ;

c. kaping tiga antuk tipat gantal,
pemedihan.

2. Risampun mapragat raris sang istri keajak b
sang lanag, saha kelenturang antuk pabeyakal

3. Manula pragat tumus sekala niskala, raris
makta pejati ring merajan wadone.

c. Prade manerud / merangkat patut :

d. Sejeroning pakurenan / pengelukuhan pasus :

1. kemaungala antuk beng anop ring nerahan wadone
2. keiguman hawos indik pakidih utawi peleser pasewakan sang ngidih saha dewasa pakrab wakas ;
3. kacilnayang indik kapurusa utawi prade kejejeran kepatut ngidih anak lanag sane nyeburin, tur risampun sulur pamerasan keteg sentana nyeburin ;
4. prade tan terima pejati, pakurenan kamar tiga.

e. Pakerab kambeyan mapiteges upacara tinas ap mapikuren, dwaning manut sekadi ring sor ;

1. sejeroning kehawos ambe, kelaksanayang ri antuk sarana jejeuman miwah pawidi widana :
 - a. jejeuman penaka ngambe / ngadungan kay pakula wargan wadone ;
 - b. widi widana punika pejati niskal nu pamerajan kemulannya.
2. Sejeroning hawos kerab pelaksana ring sekala
 - a. antuk penyaksi Krama Banjar, dwaning tengeran kulkul ;
 - b. pemelas penyaksi Prajuru / Dulu - dulu sa

Palet 2.

Indik Nyajian.

Pawos 52.

- (3). Palas marabian winton kalih, pakosinggih pinika sangkaning pada lila miwah manihil wicara.
- (4). Sang ayah palas marabian patut atur eupaksa peindihan riyin ring sang rumawos (Pengadilan Negeri) wasu tinas apadeng pemutusa kabawos nyapihan wasu dulu nyareng kawentenannya ning Desa saha keni pemelin kulkul manut perarem.

Paras 53.

Tata cara palas perabian sangkaning pada lila sekadi ring sor :

- a. nawur prabeya pesaksi pinalih sinalih tunggil sami matenge ;
- b. pagunakayan polih pahan pade ;
- c. pebekel, taditadan soang - soang kekuasa niri - niri miwah warisan kekuasaan antuk perusa ;
- d. ngewunthin miwah supajiwan prati sentana manut swadarmaning guru rupaka ;
- e. nawur pemidande panumbas kulkul manut perarem ;
- f. ngelung kinah logika Prajuru / Dulu.

Paras 54.

Prade riwekas sang palas kecinna adung malih, patut :

- a. ngelaksanayang pawiwahan malih ;
- b. kedenda nikel saking palase, yadiastun wit palase pecak sakaning pada lila.

Paras 55.

(1). Sang batu lehinayang dados :

- a. batu luh wit sentana (sentana rajeg) miwah batu luh boya sentana ;
- b. batu manih keporusa (wit sentana) miwah batu manih nyeturin (boya sentana).

(2). Swadarmaning babu inucap patut :

- a. ngamanakabehi patibrata tan kenging ngamarohan paradara / draba kama ;
- b. nguasayang waris pagunakaya, tan dados ngidol, ngarlanj, makidihan tan siosan punika, sejawaning kebebasan saking pianak utawi kaluwarga pinih tampak saking kurenannya prade pianak kantung alit - alit ;
- c. kengin ngidih sentana prade wenten pidabdab sedurung sinalih tunggil padem, saha kebesan antuk kulawarga singgih kapurusa ;
- d. Kewenangan mawiwaha malih, prade wenten kebebasan anut angka aksara ring ajeng.

Pawos 56.

Belu kaucap tan pageh seka ring sor :

- a. dratikrama utawi paradara ;
- b. matilah saking pakubon tanpa sadok jantos enam (6) sasih ;
- c. lempas ring swadarama sawus - sewusan, tan praside ngesehin salah maprawerti anep ring pituduh kulawarga purusa.

Palet 3.

Indik Sentana.

Pawos 57.

- (1). Sentana wenten kalih pawos, sane kaucap pratisentana miwah sentana paperesan.
- (2). Pratisentana unggih punika sentana sane metu saking pawiwahan kepatut.
- (3). Prade pawiwahan tan kepatut ngewetuang sentana, manole tan kantung lewasanin bebiniat utawi astra yogio kemasqala antuk penyengaskara.

- (4). Prade pawiwahan tan ngematuang sentana kenjin ngidih sentana antuk uposaksi sekala niskala sane kewastanin sentana peperasan.
- (5). Sentana rajeg inggih punika, pratisentana wadon (Predana) sane kemanggehang lanang (purusa) tur risampun ngelaksanayang pawiwahan nyeburin.
- (6). Sang sane dados kearsayang sentana rajeg inucap wiwit 5 (lima), inggih punika :
 - a. prati sentana wadon tunggal ;
 - b. sampun kemanggehang dados pratisentana lanang (purusa) ;
 - c. kapawiwahan keceburin, kautamayang antuk jatma sane meagama Hindu utawi jatma sane meagama siswasan sane sampun ngelaksanayang pamarisuda raga utawi sudiwadani ;
 - d. sane manggehang sentana rajeg patut mapesadok ring I Prajuru Banjar, tur Klian Banjar patut nyiarang ring Banjar saha ngaturang ring Prajuru Desa Adat.

Pawos 58.

- (1). Ngangkat sentana manut dudonan patut makaciha arta berana peperasan sasir kasinaksiang sekala - niskala.
- (2). Sapa sira ugi krana pacang ngidih sentana patut masadok ring Bendesa saristana asasih sedering peperasan.
- (3). Bendesa ngwakilin antuk Klian - Klian Banjar nyiarang ring sawidangan Desa, sang sapa sira ugi rumaksa tan lila mangda nyadokan masenker kalih wuku sabenen peperasan ring Bendesa Adat.
- (4). Prajuru / Dulu Desa digelis mawosin saha ngicenin penutus nepak ring cabur dresta miwah pararem.
- (5). Prade sutur peperasan tan manut ring kecapin ajeng, Dulu Desa menang ngadeq sang pacang makarya, saha ngicenin penuntun, mangda kepupulang miyin bebawos ulur utawi wicaranya.

b. kosalamin antuk dulun Desane sane mel

ngilikayang tur ;

c. kolesiarang ring wewidangan Desane.

(2). Sane kepatut peras angge sentana kadi ring sor :

a. jatra megama Hindu ;

b. pepemahang neduang saking sang meras ;

c. kuluwarga saking purusa, prade tan wenten keng
yaning taler tan wenten wawu kengin sekama
kayun) ;

d. kautamayang saking waris pancor kapurusa ;

e. sinalih tunggil mawiwit saking keluarga tungg
merajan, paibon lan dadia utawi ngambilin anak
sang megama Hindu.

(3). Kengin ngangkat sentana langkung ring adiri, lanag

Palet 4.

Indik Waris.

Pawos 60.

(1). Warisan inggih punika tetemian arta berana sah
ngupadi sukerta sekala niskala saking kelu
buruananya.

(2). Sang sinanggah warisan iutire :

a. dno tegah, mahadi tegah ayahan Desa, kabya
kerana (lan sepenunqqalannya) ;

b. pemetaan keadilan ;

c. peguna kayan, tadtadan / tiwa dana, hutano pirot

- a. sang mapiturun (pewaris) ;
- b. telunna (ahli waris) ;
- c. arla berati misah telengenan (ayah - ayah) mak.

Pawos 61.

(1). Ahli waris luire :

- a. pretisentana purusa ;
- b. pretisentan predana (sentan rajeg) ;
- c. sentana peperasan lanang / wadon.

(2). Prade tan wenten sekadi ajeng, kang sinanggeh ahli

- a. turunan purusa pernah ngunggahang, rerama selantur ipun rerama misan mindon ;
- b. turunan purusa pernah kesamping mekadi keponaka

Pawos 62.

Swadarmening ahli waris patut :

- a. nerima saha nguasayang tetamian pahan saking ke ngerempon sanggah, puru saha pengupakarania r ayah - ayahan pewaris ;
- b. nawurin hutang - hutang pewaris sane manut peng

Pawos 63.

Pangepahan waris manut sekadi ring sor :

- a. risaipun ngeleksayang pitra yadnya lan hutang batas ketawar ;
- b. para ahli waris polih paha pada sangkanin sejahning karang / tagal ayahan Desa keamong lang sinanggeh krama ngarep utawi krama batan p

1. nilai kawitan tan seaning anama ;

2. alpaka guru rupaka ;

3. sentana najeq kesan mawiwaha utawi pratiscritan nyeburin,
soang - soang kebaos ninggal kedaton.

d. Boya ahli waris kengin muponin hasil anut duronan, luire :

1. sentana luh, selami dereng kesah mawiwaha utawi alpaka guru
miwah prade medrebe pianak tan keangkenin antuk wong tua
rarane inucap kengin ngewaris wantah pikolih (pegunakayan)
sentana luh inucap kemawon ;'

2. balu dehe utawi tenuna, riantukan ring pawiwahan pecak
sampun kebaos ninggal kedaton.

e. Pewaris kengin maweweh rikala maurip pinaka jiwa dana, tadtadan/
bekel, makcihna paweweh tetep ring pianak sane kesah mawiwaha.

Pawos 64.

(1). Parade sejeroning pakulawarga wenten ahli waris langkungan ring
adiri patut :

a. kewentenan paigum indik pedum waris inucap ;

b. yen tan peresida ketunasang tetimbang ring Dulu - dulu (kerta
Desa) ;

c. prade laler tan wenten cumpu ring penepas kerta Desa, kengin
ketunasang ring sang rumawos (Pengadilan Negeri).

(2). Prade karang inucap keputungan, patut Prajuru / Dulu - dulu nibakan
ring :

a. sang sinanggeh ahli waris manut pawos 61 ;

b. sang kengin anggen sentana anut pawos 59 (2) miwah (3) ;

c. prade laler tan wenten cumbu ring penebas kerta Desa, kengin
ketunasang ring sang rumawos (Pengadilan Negeri).

(3). Prade iatras Karang Desa kepah utawi kesepith, soang - soang nedunin
mekrane Desa marep (batan paha).

Pawos 65.

- (1). Sane wenang mawosin mekadi mutusan wicara ring I Prajuru / Dulu Desa sinanggeh kerta Desa.
- (2). Prade sang mawicara tan wenten cumbu ring per kengin nunasang wicara inucap ring sang run Negeri).

Pawos 66.

- (1). Sahanan wicara mawiwit kecorahan saka luire sir daging Awig - awig pasuara miwah pepareh Desa / Dulu patut digelis mawosin tan nyantos pesadok.
- (2). Sejabé wicara kadi ajeng patut nyantosin pesadok s
- (3). Pamepasa patut pastika nyanterang iwang patut melé (saksi, ilikita, bukti) miwah tan maren nepak ri

Palet 2.

Indik Pamidanda.

Pawos 67.

- b. danda arta (Desa, danda saba parikel - nikelnya miwah parikel - nikel urunan) ;
 - c. nerampagan ;
 - d. kedat karang ayahannya ;
 - e. kesepelang ;
 - f. penyangsakara.
- (4). Pamidanda sane katiwakang patut sor singgih manut ring kesisipane.
- (5). Jinah utawi raja urana pamidanda ngerajing dados dhuwa Desa / Banjar.

Pawis 68.

- (1). Krama sane langkung ring tigang paruman ngelambar tan nawur urunan miwah dedandan wenang kerampag.
- (2). Rerampagan ngange tata cara kadi ring sor :
- a. Pelaksanayang antuk dudu kesarengin antuk krama sekene tigang diri mako saksi ;
 - b. Sang ngerampag sangka darsana ngambil barang utawi nyawenin tanah buwah, akehnya manut ring hutang sang kerampag ;
 - c. Prajuru / Dulu mitekedang mangda barang - barang sane kerampag digelis kabebus, masengker awuku ring kubus rainane pacang kaadol ;
 - d. Tan nganinin saluwir barang sane patut inggilang manut agama miwah madanan pangupa jiwa sang kerampag.

Pawis 69.

- (1). Prado sane kerampag ngerawa (ngalangin) pelaksanaan inucap mewastu sampun tan ngauliti Awig - awig Desa wenang karang Desa sane kengruhing antuk Desane.
- (2). Sewelih von punin taler ngalangin pelaksanaan kadi silih tan werden pangangin sejawaning kesepelang antuk Krama Desane.

- a. nunas (ring) pengempura ring Krama Desa niantukan nguak pasubaya (paruman) pecak ;
- b. nawur pengangan penguk pasubayane duk paranti kerampag kadulurin prayascita penyaksak keiwangane ring Desa.

S A R G A VII.

NGUWAH - NGUWAHIN AWIG - AWIG.

Pawos 70.

- (1). Nguwah - nguwahin Awig - awig Desa punika kelaksayang antuk paruman Desa.
- (2). Awig - awig punika kemangiang ngawit keingkupin (keraremin).

Pawos 71.

- (1). Sakaluring sane wenten sederengnya patut kenutin ring sedaging Awig - awig puniki.
- (2). Sakaluring wicara sane durung kebakos sajeroning Awig - awig puniki, jaga kebakosan ring peparuman Krama Desa, tur kemanggehang keinggen buku pasuana.

S A R G A VIII.

P A M U P U T.

Pawos 72.

- (1). Awig awig puniki kawastanin Awig - awig Desa Adat Radingkayu, Tesungkepina antuk Camat Pekutafan, adwah kapikukuh antuk Bupati Kepala Daerah Tingkat II Jembrana, Propinsi Bali.
Sane keraremin dudu rahina

Panolong ping masih

Titik, Saka Masea

Tanggal bulan masih.

Ring Dura Desa / Bale Agung Desa Adat Bedingkayu.

(2). Awig - awig panti kelingga tanganin arluk Bendesa Klian ngin Klian Banjar / Tempok saka Kesekindu Klian - Klian Banjar Dinas, Perbekel, swidangan Desa.

(3). Luir sang ngelingna tanganin.

1. Keperbasa Prajurit / Dulun Desa :

1. Bendesa Adat Bedingkayu



[Handwritten signature]

(Gro Bede Sami Pratyaksa)

2. Klian Tempok Banjar

Belu Putih,

[Handwritten signature]

(I Doga Dya)

3. Klian Tempok Banjar

Sekar,

[Handwritten signature]

(I Wayas Madra)

4. Klian Tempok Banjar

Pueh,

[Handwritten signature]

(I Ketut Darya)

5. Klian Tempok Banjar

Geigel,

[Handwritten signature]

(I Wayan Sunarta)

6. Klian Tempok Banjar

Sari,

[Handwritten signature]

11. Kepala LK (K) / Ditjen Desa mata saksi :

Upasaksi



 Kepala Dusun Desa Pengeragan
 Babindangkayu
 (*[Signature]*)

Upasaksi


Perbekel Desa Pengeragan



 (Drs. I Ketut Sabda)

Upasaksi

Pamal Pekotatan



 (I Wayan Sednya, BA)

Regno : 01 / ADA / IX / HK

Tanggal : 13 SEPTEMBER

Bupati Kepala Daerah Tingkat II

JEMBRANA,



 (Ida Bagus Induqosa, SH)

III. Kaping tiga sang ngaliangga tanganin :

Mudraning Upasaksi

Badan Pelaksana Pembinaan Lembaga Adat

Kabupaten Daerah Tingkat II Jembrana

Sekretaris,



(Drs. I Ketut Suwena)

Mudraning Upasaksi

Ketua Parisada Hindu Dharma Indonesia

Daerah Tingkat II Jembrana,



(I Gede Susila Dharma)

Mudraning Sulinggih Pemuput

(IDA PEDANDA PUTRA WIRAGA)